



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorvm, Carolvm Martellvm, ...

Gretser, Jacob

[München], 1613

Jtem Epistola eiusdem Stephani Papæ, ad Domnum Pippinum Regem, & Carolum & Carolomannum, pro defensione sanctæ Dei Ecclesiæ, quia Haistulfus irritum fecerat pactum quod cum eis fecerat & suum ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item Epistola eiusdem Stephani Pape, ad
 Domnum Pippinum Regem, & Carolum & Carolomanum,
 pro defensione sanctæ DEI Ecclesiæ, quia * Haistulfus irri-
 tum fecerat pactum quod cum eis fecerat & suum Sacra-
 mentum non conseruauerat, sicut pollicitus
 eisdem Regibus fuerat, &c.*

* Aistul-
 plus.

VII.

DOMNIS excellentissimis filiis Pippino Regi
 & nostro spiritali compatri, Carolo & Caro-
 lomanno item Regibus, & vtrisque patritiis
 Romanorum. Stephanus Papa. Dum regni vestri no-
 men inter cæteras gentes erga sinceram fidem B. Pe-
 tri principis Apostolorum lucidissimè fulserit, valde
 studendum est, vt vnde gloriosiores cæteris gentibus,
 in seruitio B. Petri vos omnes Christiani asserunt, in-
 de omnipotenti domino, qui dat salutem regibus, pro
 defensione sanctæ suæ Ecclesiæ perfectius placeatis,
 vt fidem, quam erga eundem principem Apostolo-
 rum colitis adiutricem in omnibus habeatis; optaue-
 ramus quidem, præcellentissimi filij, amplius prote-
 lando nostrâ locutionem dilatare, sed quia pro mul-
 tis ab iniquo Haistulfo Rege Langobardorum nobis
 ingestis tribulationibus, cor nostrum omnino atteri-
 tur dolore, & tædet spiritus noster, ideo à multorum
 sermonum prolixitate declinauimus, & vnum, quod
 est necessarium, excellentissimæ Christianitati vestræ
 innotescere studuimus, à Deo protecte nosterq; spiri-
 talis compater, & vos dulcissimi filij, pro mercede ani-
 marum vestrarum, quemadmodum misericors Deus
 noster cælitus victorias vobis largiri dignatus: iustiti-
 am beati Petri, in quantum potuistis, exigere studui-

H 3

stis

stis, & per donationis paginam restituendum confirmavit bonitas vestra.

Nunc autem, sicuti primitus Christianitati vestrae de malitia ipsius impij Regis ediximus; Ecce iam mendacium & iniqua peruersitas, atque eius periurium declaratum est; Antiquus quippe humani generis hostis diabolus eius perfidum inuasit cor, & quae sub vinculo Sacramenti adfirmata sunt, irrita fieri
 * *f. ausus est.* visus est, nec vnus enim palmi terrae spatium beato Petro sanctaeque Dei Ecclesiae, vel reipublicae Romanorum reddere passus est; tanto quippe à die illo, à quo ab inuicem separati sumus, nos affligere, & in magna ignominia sanctam Dei Ecclesiam habere conatus est, quanto non possunt hominum linguarum enarrare, quia etiam & ipsi lapides, si dici potest, tribulationem nostram magno ululatu flerent, & ita nos visus est affligere, vt denuo in nobis innouata fuisset infirmitas; nimis namque lugeo, excellentissimi filij, cur verba nostrae infelicitatis non audientes, mendacium plusquam veritatem credere voluistis, illudentes vos & irridentes: Vnde & sine
 * *efficitur.* affectu iustitiae beati Petri, ad proprium ouile & populum nobis commissum, sumus reuersi; omnes denique Christiani ita firmiter credebant, quod beatus Petrus, princeps Apostolorum, nunc per vestrum fortissimum brachium suam percepisset iustitiam, dum tam maximum ac praefulgidum miraculum vestris felicissimis temporibus demonstrauit, talemque vobis inmensam victoriam Dominus Deus & Saluator IESVS Christus per intercessionem sui principis Apostolorum pro defensione sanctae suae Ecclesiae largiri dignatus est, sed tamen boni filij

*Vide Bar.
 Anno 755.
 N. 24. §
 seq.*

filij credentes eidem iniquo Regi, quod per vinculum Sacramenti pollicitus est, propria vestra voluntate per donationis paginam beato Petro sanctæque Dei Ecclesiæ, & reipublicæ, ciuitates & loca restituenda confirmastis; sed ille oblitus fidem Christianam & Deum, qui eum nasci præcepit, irrita, quæ per Sacramentum firmata sunt, facere * visus est. Quapropter *iniquitas in verticem illius descendit*, patefactus *psal. 7.* quippe est laqueus, quem effodit, & in eo, pro suo mandato & periurio, incidit.

Coniuro vos, filij excellentissimi, & à Deo protecti, per Dominum Deum nostrum & sanctam eius gloriosam semperque Virginem genitricem Mariam, Dominam nostram, omnesque virtutes cœlorum, & per beatum Petrum principem Apostolorum, qui vos in reges vnxit, vt doleat vobis pro sancta DEI Ecclesia, & iuxta donationem, quam eidem protectori vestro Domino nostro beato Petro offerre iussistis, omnia reddere & contradere sanctæ Dei Ecclesiæ studeatis: & nequaquam iam ipsius nequissimi regis, vel eius iudicium, * seductuosa verba, & illusionis mandata credatis: ecce enim patefactum est eius mendacium, vt nequaquam vltius vires credendi habere possit; sed magis, cognito eius iniquo ingenio & iniqua volûtate, eius fraudantur insidiæ, & quod semel beato Petro polliciti estis, & per donationem * vestram manu firmatam, pro mercede animæ vestræ, beato Petro reddere & contradere festinate.

* Beatus denique Paulus Apostolus ait, *melius est non vouere, quam post votum non reddere; Et enim nos omnes* ** Hac sententia est Ecclesiastica*

cap. 5. Cur
ergo adscri-
bitur S.
Paulo?

Quia Pon-
tiffex sensu
spectavit.

Exstat autē
sensu i. Ti-
mor. 5. Sbs

Sidua, quā
primam fi-
dem irritā

fecerunt,
damnatio-
nem habere

affirmatur.
Rom. 8.

Iacob. 2. Sbs
fides sine
operibus

merita di-
citur: &
multa de

iustificatio-
ne ex operi-
bus recen-
sentur.

omnes causas sanctæ Dei Ecclesiæ in vestro gremio commendauimus, & vos reddetis Deo & B. Petro rationem in die tremendi iudicij, quomodo decerta-ueritis pro causa eiusdem principis Apostolorum, & restituendis eius ciuitatibus & locis. Vobis denique, multis iam deuolutis temporibus, hoc bonum opus reseruatum est; vt per vos exaltetur Ecclesia, & suam princeps Apostolorum percipiat iustitiam. Nullus meruit de vestris parentibus tale præfulgidum munus, sed vos prælegit & præsciuit Deus ante tempora æterna, sicuti scriptum est: *Quos præsciuit & prædestinauit, hos & vocauit, & quos vocauit, illos & iustificauit*; vocati estis, iustitiam ipsi principi Apostolorum sub nimia festinatione facere studete, quia scriptum est: *Fides ex operibus iustificatur*. De omnibus verò tribulationibus nostris, quas passi sumus, vel denuo patimur, DEO auxiliante, Folradus, filius, vester consiliarius & eius socij, enarrabunt vobis, & ita agite de causa beati Petri, vt & in hac vita victores, fauente Domino existatis, & in futuro, intercedente ipso principe

Apostolorum beato Petro, gaudia possideatis æterna. Bene valete excellentissimi filij.



Item